

# საჭიროა თუ არა ქართლში საპიისპ. პატივდრა?

როდესაც ჩვენს საზოგადოებაში ხმა გაერკულა—მცხეთაში საეპისკოპოსოს აარსებენო, —ზაკავ. რენი—მა დასწერა: „ჩვენ დარწმუნებული ვართ, ეს ხმა უსაფუძვლოა, და იმედი გვაქვს სასულიერო მთავრობა ავტორიტეტულად უარყოფს მასო“ (№ 35). მართლაც, რამოდენიმე დღის შემდეგ შეგამოვაქვეყნე ექსარხოსის ნალაპარაკევი ამ საგნის შესახებ; გამოირკვა, რომ ექსარხოსის განზრახული ჰქონია გორის ეპისკოპოზი, რომელიც ამ ეამად თბილისში სცხოვრობს, სამუდამოდ გორში დააბინავოს, ხოლო თბილისში ქართველებისათვის ახალი ეპისკოპოზი დანიშნოს. ეს განმარტება, რომელიც ობიექტურად, ინტერვიუს სახით, იყო გადმოცემული, ხსენებულ გაზეთის არ მოეწონა და ექსარხოსის „გამოქომაგება“ (замыт) უწოდა მას (№ 40), ეხლა „ზაკავ. რენი“ პრინციპალურად ეწინააღმდეგება მესამე ეპისკოპოზის დანიშვნას, თუმცა ამ ეპისკოპოზის დანიშვნა გამოწვეულია იმ მოსაზრებით, რომ ქართლსაც ისე სჭირია ეპისკოპოზი, როგორც კახეთს. ჰეშმარტად საკვირველია ხსენებულ გაზეთის პოზიცია, იმ გაზეთის, რომელიც ასე მედგრად იცავდა კახეთში საეპისკოპოზო კათედრის აღდგენის იდეიას, რომლისაგან განუწყვეტელი „იერემიადი“ ისმოდა კახეთში კათედრის გაუქმების გამო, რომელმაც სწორედ ალავერდის კათედრის აღდგენაზე ააშენა ყოფილ ექსარხოსის, პიტომის, სახელი და დიდება ჩვენში. საოცარია დემერმანი! კახეთში (სიღნაღისა და თელავის მაზრაში, სადაც 7453 ოთხკ. ვერსის სივრცეზე 133 სამრევლოა) საჭირო ყოფილა ეპისკოპოზი, ქართლში კი (გორისა და ახალქალაქ-ახალციხის მაზრაში, სადაც 10745 ოთხკ. ვერსის სივრცეზე 169 სამრევლოა)—ზედმეტე; ამ ორი თვის წინად საჭირო იყო ჩვენთვის ეპისკოპოზი, დღეს კი ის „არ შესაბამება ქართველ ერის სულის ვეფთვებას“; ჰეტრე თუ მოგვემდნა მას, საჭირო იყო, პავლესაგან კი არ გვინდა! სად არის პიტომი?! ყველა დამეთანხმება, რომ ბ. ბ. „ვერუიუნი მირიანინის“ (№ 35) და „კენტის“ (№ 40) გულუბრყვილო რწმუნება—ჩვენთვის მართო ალავერდის კათედრა იყო საჭირო და საინტერესო, ვერავის ვერ ჰდაარწმუნებს, მართლაც და, განა თელავის და სიღნაღის მაზრა უფრო შორს ახლავს თბილისს, ვიდრე გორისა და ახალციხე-ახალქალაქისა? განა კახეთის მკვიდრნი უფრო არიან მოკლებულნი სულიერ საზრდოს, ვიდრე ქართლის? განა კახეთში კათედრის აღდგენით ბაქოს ეპისკოპოსს ჩამოერთვა ალავერდის შესანახი თანხა? განა ალავერდელის აღდგენით ჩვენ დავეიბრუნდა საყვარელი მწყემსმთავარი დავითი? განა კახეთის საეპისკოპოსოს აღდგენით ალავერდელს მიენიჭა სრული, განუსაზღვრელი უფლებები? დასასრულ, როდესაც ალავერდელის აღდგენას ეკდებოდა, განა მაშინ არ სუფევდა ჩვენში კარდინალური საკითხისა საქართველოს ეკლესიის „კანონიურ უფლებათა“ აღდგენისა? ალავერდის კათედრის აღდგენით ჩვე მივიღეთ, ახალი ხარჯის გამოღებით (იხ. „საქართველო“ № 41), ის რაც გვქონდა, ახალ ეპისკოპოსის დანიშვნით, ჩვენ გვეძლევა, სრულიად უსასყიდლოდ, ესე იგი უახალხარჯოთ, ის, რაც არ გვქონია ჯერ. ალავერდელის აღდგენით ჩვენ მოგვეცა ისეთივე უფლებო ეპისკოპოზი, როგორც ამდენხან გვეყვანდა, ახალ ეპისკოპოსის დანიშვნით გორელისა და ალავერდელის უფლებები შესამჩნევად ფართოვდება, ვინაიდან მათ უშეზღუდვად იმგვარსავე ინსტრუქციას, როგორიც აქვს ბაქოს ეპისკოპოსს. ამდენხან თუ „უსაქმოდ იჯდენ“ ჩვენი ეპისკოპოზები, როგორც ამ უკაცებს ბ. „კენტი“ (№ 40), ეხლა სწორედ იმისთვის აბინავებენ მათ ქართლ-კახეთში, რომ ისაქმონ, სამღვდელოება გამოაღვიძონ, ხალხს უხელმძღვანელონ, მასთან ახლო იცხოვრონ და მისი ჰირ-ვარამი გაიზიარონ. პროვინციებში ეპისკოპოზების გამრავლება, წარსულის თვალსაზრისით, სრულებით ეთანხმება საქართველოს ეკლესიის საეპარქიო სისტემას, რომელიც ყოველ ქალაქისა და დაბისათვის საკუთარ ეპისკოპოსს თხოულობდა. ეხლანდელი მომენტის საზომით თუ შევხედავთ მას, დავინახავთ, რომ უა-

მისოდ შეუძლებელია განხორციელება „სამრევლო რეფორმისა“, რომელიც ასე აღელვებს თანამედროვე საზოგადოებას. ხოლო რაც შეეხება ჩვენი ეკლესიის „კანონიურ უფლებათა“ აღდგენას, პროვინციაში ეპისკოპოზების გამრავლება არამც თუ არ შეაფერხებს მას, პირიქით—წინ წასწევს, რასაკვირველია, თუ ეპისკოპოზები „უსაქმოდ“ ჯდომას არ მოინდომებენ და ხალხს შეაგნებებენ ამ საკითხის სიღიადეს და მნიშვნელობას. ჩვენზენაკლებად არ იცნობენ პროვინციის საჭიროებას სოფლის „ბლაღოჩინები“, რომელთაც 18 თებერვლის კრებაზე უღრმესი მადლობა გამოუცხადეს ექსარხოსის ასეთ განზრახვისათვის და სთხოვეს, რაც შეიძლება განახორციელოს ის.

უშეველია, „ზაკავ. რენი“ ამ წერილსაც „გამოქომაგებას“ უწოდებს, მაგრამ ვარწმუნებ მას, რომ ყველას არ ჩვევია ჰეშმარტების გადაფუჭება და უარისყოფა ვილაცას „გამოქომაგებისათვის“.

დარბაზში ამ საზოგადოების კრება მოხდა. თავმჯდომარეობდა ე. ს. თაყაიშვილი. მოხსენება უნდა წაეკითხა ქართულ პერიოდულ გამოცემების ბიბლიოგრაფიის შესახებ ბნ გ. მამრატეს, მაგრამ ავთომყოფობის გამო ვერ გამოცხადდა. მოკლე ისტორია აღნიშნულ საქმისა გააცნო დამსწრე საზოგადოებას ე. ს. თაყაიშვილმა. პეტროგრაფის უნივერსიტეტთან არსებულ ქართველ სტუდენტთა სამეცნიერო წრეს, პროფესორ ჯავახიშვილის ხელმძღვანელობით, შეუდგენია ბიბლიოგრაფია ქართულ პერიოდულ გამოცემათა 1910 წლამდე. ნაწილი ამ შრომისა გამოუცია იმავე წრეს. ხოლო ნაწილი გამოსაცემია. აგრეთვე შესადგენია ბიბლიოგრაფია 1910 წლიდან დღევანდლამდე და დღეის შემდეგაც. კითხვა აღიძრა შესახებ იმისა, თუ ვინ გამოსცემს უკვე შედგენილ ბიბლიოგრაფიას და აგრეთვე ვინ იკისრებს 1910 წელს აქეთ ბიბლიოგრაფიის შედგენასა.

ამ საკითხის გამოსარკვევად კრებამ საჭიროდ სცნა სთხოვოს საზოგადოების გამგეობას შეეკითხოს პეტროგრაფის უნივერსიტეტთან არსებულ წრეს დაწერილებით შეატყობინოს, რა მდგომარეობაშია საერთოდ ბიბლიოგრაფიის საქმე და რა ნაბიჯის გადაღმას აპირებს იგი შემდეგში. ამასთანავე კრებამ საჭიროდ სცნო, რომ საზოგადოების გამგეობამ მიმართოს პერიოდულ გამოცემათა რედაქციებს, იქნებ თითონ იკისრონ თავიანთ გამოცემათა ბიბლიოგრაფიის შედგენა.

თავმჯდომარემ საუბარი ჩამოადგომის შესახებ, რომ პერიოდული გამოცემები უვარგის ქალაღდზე იბეჭდება, რომელიც ძალიან ადრე ცვდება და მომავალში აღარავითარი ნაშთი არ დარჩება ჩვენი ხალხის გონებრივი ნაწარმოებისა. ამ საკითხმა აზრთა გაცელა-გამოცელა გამოიწვია. კრების უმეტესმა ნაწილმა ის აზრი გამოსთქვა, რომ რადგან ქალაღდი ძვირად ფასობს რედაქციებს ჩვენვე მივაწოდოთ კარგი ქალაღდი ჩვენთვის საჭირო რამდენიმე ცალის დასაბეჭდათო. მაგრამ რადგან პერიოდულ გამოცემათა რამდენიმე ცალი სხვა კულტურულ-განმანათლებელ დაწესებულებებისთვისაც საჭიროა და ამ დაწესებულებებმა საერთო კავშირი შეადგინეს, ამიტომ კრებამ საჭიროდ სცნო ამ საქმის მოწესრიგება, ამ კავშირის გამგეობამ იკისროს.